


摩訶僧祇律

才三十四

三百九
棋四

49838



BRITISH MUSEUM
LONDON

摩訶僧祇律卷第三十四

攝

東晉三藏法師佛陁跋陁羅共沙門法顯譯

威儀法第十之初

佛住舍衛城。尔時比丘僧集。欲作布薩。比丘盡集時。難陁爲僧上座。不來。有檀越持物來待僧。和合已。欲布施。問僧集未。荅言未集。復問誰不來。荅言僧上座不來。檀越嫌言我待僧集。欲有所施。而上座不來。待良久。便布施而去。上座逼暮方來。竟不行。舍羅復不唱。不來諸比丘說。欲清淨。直略說四事。而去年少比丘問言。上座來未。荅言上座來已。還去年少比丘嫌言。云何上座來。亦不使人知。去亦

不使人知諸比丘以是因緣往白世尊佛言
呼難陀來佛問難陀汝實尔不荅言實尔佛
言從今已後僧上座應如是知去何如是知
上座法應知今十四日若十五日布薩中間
布薩若晝若夜當知處所若温室講堂若林
中應廣誦五篇戒下至四事及偈餘者僧常
聞若城邑聚落中有比丘者上座應令人唱
今僧十四日若十五日若食前食後尔許人
影在某處布薩應先使人掃地泥治散衆華已
誰應呪願誦戒行舍羅上座應知說戒時僧
未集有檀越來者上座應為說法共相勞問
若不能者應請第二上座若法師為說法布

薩時至者應問檀越欲去住若言去者應與
呪願發遣令去住者應遣出已作布薩有者
應香湯洗舍羅已行若坐希者應一人行一
人收不得覆頭覆肩行籌應脫革徒偏袒右
肩行籌受籌人亦如是先行受具足人籌然
後行沙弥籌行已應白介許受具足人介許
沙弥合有介許人僧上座應誦戒若不能者
次第二上座誦若復不能乃至能者應誦誦
時若逼暮天陰風雨有老病人不堪久坐住
處遠有王難賊難介時得略誦若日早無上
諸難者應廣誦若上座自誦若餘人誦若和
合竟夜說法論義問答呪願二座布薩法應

如是若不如是越威儀法

佛住舍衛城。爾時比丘僧集。欲作布薩。第一上座來。第二上座不來。時檀越持物來。欲布施。問僧集。未答言。未集。問誰不來。答言。第二上座不來。檀越嫌言。我欲有所施。第二上座不來。待良久不來。便布施而去。第二上座逼暮方來。上座嫌言。世尊獨制我。第二上座便不問耶。諸比丘以是因緣。往白世尊。佛言。呼是比丘來。來已。佛問比丘。汝實不答言。實。佛言。從今日後。布薩時。第二上座亦應如是。知云何如是。知一切如上。座中廣說。但以第二上座為異耳。若僧上座不能者。第二

上座應知若不如是者越威儀法

佛住舍衛城。爾時比丘僧集欲作布薩。上座第二上座來。餘人彷彿不時來集。上座第二上座嫌言。世尊獨制我不制餘人耶。諸比丘以是因緣往白世尊。佛言。呼是諸比丘來來。已佛問汝實。尔不荅言實。尔世尊佛言。從今日後布薩事一切僧應如是知。云何如是應知。月一日二日乃至十四日十五日布薩中間。布薩日處所應知。若人問。今是幾日。不得逆問。昨日是幾日。要當知。若恐忘者。應作籌繩穿懸講堂前。若食厨前。直月知事人日過一籌。布薩日廣誦五篇戒。乃至四事及偈餘。

者僧常聞一切如上座中廣說但一切為異
若上座第二上座復不能者餘一切盡應知
若不如是者越威儀法

佛住舍衛城介時祇洹精舍檀越設供飯比
丘僧第一上座不來羹飯已令檀越言比丘
僧集未答言未集誰不來答言第一上座不
來檀越嫌言我捨家業來欲飯僧而比丘不
集上座時至方來亦不歎食呪願狼狽食已
便去年少問上座來未答言已來食竟便去
年少嫌言上座來亦不令人知去亦不令人
知諸比丘以是因緣往白世尊佛言呼難陀
來來已佛問汝實介不答言實介佛言從今

已後僧上座食應如是知去何如是知今日
誰施食爲二部衆爲一部衆爲別房請聚落中
若精舍中應知若有人請明日飯僧僧上座
不得即受應知前請人姓名客舊巷陌處所
恐有人試弄比丘故不應即受若有人識彼
請人男女得受請受請已不得便隨去至明
且應遣直月若園民若沙弥往看之或遭縣
官水火盜賊產生死亡不能得辦若有此難
僧應自辦食若無者語令乞食使往問請主食
辦未若言是何人是何食當知被誑若僧伽
藍有食應辦當食若無應唱言比丘僧被誑
各自乞食若請主言尊者正尔辦是時上座

應知時若冬時應一切集已共去若春夏時
應前後去若到彼請家日早食未辦欲餘行
應白比丘我欲至某家若食辦者莫待我去
已應早還入檀越家時上座應知坐左右若
檀越作吉祥會右敷座者應坐若為餓鬼會
左敷座者亦應坐若敷言急者應以

手按令緩徐徐坐不得伊多

急者不得

頓身坐或下有器物眠小兒先應一手按坐
不得持膩鉢及餅菓著上不得用拭手上座
當知誰看房誰病應語與食若檀越惜者應
語言長壽法應與不得不與若日早者應著
行取若日晚者應先取發遣令去僧上座應

知前人爲何等施當爲應時呪願若檀越行
食時多與上座者上座應問一切僧盡得介
許不荅言止上座得耳應語言一切平等與
若言盡得者應受若須少取少下者應語多
與若乳酪餅肉蘇如是比好食盡應語平等
與僧上座法不得隨下便食應待行遍唱等
供已然後得食上座法當徐徐食不得速食
竟住看今年少狼狽食不飽應相望看不得
食竟便在前出去應待行淨水隨順呪願已
然後乃出

若爲亡人施福者不應作是吉祥
歎

賢善已無常

今是吉祥日

種種設餽饌

供養良福田

應作如是呪願

一切衆生類

有命皆歸死

隨彼善惡行

自受其果報

行惡入地獄

為善者生天

若能修行道

漏盡得泥洹

若生子設福者不應作如是說

童子棄塚間

唎指七日活

不遭蚊蝱害

童子功德力

應如是呪願

童子歸依佛

如來毗婆尸

尸棄毗葉婆

拘樓拘那鎗

迦葉及釋迦

七世大聖尊

譬如人父母

慈念於其子

舉世之樂具

皆悉欲令得

令子受諸福

復倍勝於彼

室家諸眷屬

受樂亦無極

若入新舍設供者不得作是說

若火燒屋時

得出中所有

必為已財寶

不為火所焚

應作如是呪願

屋舍覆陰施

所欲隨意得

吉祥賢聖眾

處中而受用

世有黠慧人

乃知於此處

請持戒梵行

修福設飲食

僧口呪願故

宅神常歡喜

善心生守護

長夜於中住

若入聚落中

及以曠野處

若晝若於夜

天神常隨護

若估客欲行設福者不應作是說

一切諸方面 賊難不可行 今正是其時

出家修梵行

設作是說

諸方皆安隱 諸天吉祥應 聞已心歡喜

所欲皆悉得 兩足者安隱 四足者亦安

去時得安隱 來時亦安隱 夜安晝亦安

諸天常護助 諸伴皆賢善 一切悉安隱

康健賢善好 手足皆無病 舉體諸身分

無有疾苦處 若有所欲者 去得心所願

東方有七星常護世間令得如願一名吉利

帝二名路呵尼三名僧陁那四名分婆唎五

名弗施六名婆羅那七名阿舍利是名七星
在東方常護世間今當護汝令安隱得利早
還一切星宿皆當護汝復次東方有八天女
一名賴車摩提二名尸沙摩提三名名稱四
名耶輸陁羅五名好覺六名婆羅濕摩七名
波羅浮陁八名阿毗呵羅是名八天女在東
方常護世間有天王名提頭賴吒捷闍婆王
及一切諸天當護汝等普令安隱得利早還
東方有支提名弓杖常出光明諸天恭敬供
養是一切供養天當護汝令得財利安隱早
還南方有七星常護世間一名摩伽二三同
名頗求尼四名容帝五名質多羅六名私婆

帝七名毗舍佉是名七星在南方常護世間
今當護汝令安隱得利早還一切星宿皆當
護汝南方有八天女一名賴車魔帝二名施
師摩帝三名名稱四名名稱持五名好覺六
名好寂七名好力八名非斷常護世間有天
王名毗留荼俱魔荼鬼神王共護汝得利早
還南方有支提名阿毗鉢鉢施常放光明諸天
恭敬供養一切供養枝提諸天當護汝等安
隱得利早還西方有七星常護世間一名不
滅二名逝吒三名牟邏四名堅強精進五六
同名阿沙荼七名阿毗闍摩是名七星常護
世間當護汝等得利早還一切星宿皆當護

汝西方有八天女一名阿藍浮婆二名雜髮
三名阿利吒四名好光五名伊迦提舍六名
那婆私迦七名旣色尼八名沙陀羅是八天
女有天王名毗留博义常護世間有龍王名
婆留尼及一切諸龍當護汝等得利早還西
方有山名饒益日月居中若有所求得心所願
北方有七星常護世間一名檀尼吒二三同
名世陁帝四名不魯具陁尼五名離婆帝六
名阿濕尼七名婆羅尼是名七星常護世間
當護汝等得利早還一切星宿皆當護汝北
方有八天女一名尼羅提毗二名脩羅提毗
三名俱吒毗四名波頭摩五名阿尼六名波

利七名遮羅尼八名迦摩是名八天女有天
王名婆留那常護世間當護汝等得利
早還北方有山名枳羅蘇鬼神常居中
一切諸鬼神當護汝等得利早還二十
八宿并日月三十二天女并四大天王治
世有名稱東方提頭羅吒王西方毗留
博叉王南方毗留荼王北方婆留那王
八沙門八婆羅門八大國刹利八帝釋女
等當護汝等得利早還若取婦施者不
應作是說

枯河無有水
亦名無覆護

國空王無護
應作是呪願

女有兄弟十
女人持信戒

夫主亦復然 由有信心故

能行修布施

二人俱持戒

修習正見行

歡樂共作福

諸天常隨喜

此業之果報

如行不賣糧

若出家人布施者不得作是說

使子孫繁熾

奴婢及錢財

牛羊諸六畜

一切皆滋多

應作是呪願

持鉢家家乞

值瞋或遇喜

將適護其意

出家布施難

僧上座應如是知若不如是者越威儀法佛

住舍衛城時檀越飯僧難隨為上座先至優

波難隨及餘比丘不時集上座嫌言世尊獨

制我不制餘人耶乃至佛言從今日應一切

齊集食上座應如上說此中但以第二上座
及一切為異乃至應留比坐坐處若行食人
過者不得默然而看比坐應語與是不得食
便先食要待遍已然後食若時遍者隨下隨
食無罪上座應呪願若不能者第二上座呪
願若復不能者下過乃至能者應呪願如是
一切食上座應知若不如是知者越威儀法
佛住舍衛城時優波難陀度人出家受具足
受具足已不教誡如天牛天羊威儀不具足
不知承事和上阿闍梨長老比丘法又不知
入聚落阿練若法入眾著衣持鉢法諸比丘
以是因緣往白世尊佛言呼優波難陀來來

已佛問比丘汝實尔不荅言實尔佛言從今
日後和上應如是教共行弟子云何教受具
足已應教誦二部毗尼若不能者教誦一部
復不能者教廣誦五篇戒復不能者教誦四
三二下至四事日三教晨起日中向冥教教
法者若阿毗曇若毗尼阿毗曇者九部經毗
尼者波羅提木叉略廣若不能者應教知罪
輕重知經義知毗尼義知陰界入義知因
緣義教威儀非威儀應遮受經時共誦時坐
禪時即名教若不受經共誦坐禪者下至應
教莫放逸和上不如是教共行弟子者越威
儀法

復次佛住舍衛城時優波難陀共行弟子不
數至和上所優波難陀嫌言世尊獨制我不制弟
子弟子來我當教不來我當教誰諸比丘以是因
緣往白世尊佛言呼是比丘來來已佛問比
丘汝實尔不荅言實尔佛言從今日後共行
弟子應如是事和上云何事共行弟子法應
晨起先右脚入和上户入已頭面禮足問安
眠不若受經若問事已應出小行器唾壺著
常處先以水灑地然後掃巨摩塗地洗手已
授水齒木竟持鉢與迎粥食粥已洗器舉著
常處若有請處者應往迎食欲入村時授入
聚落衣捲疊院中衣著常處入聚落時應從

師後行若欲乞食時當白和上和上應語如
法莫放逸若先還者應與和上敷坐床取淨
水辦草葉待和上和上還已應授與院中衣
取入聚落衣抖擻疊著常處若熱時應與水
洗浴寒時應然爐火已若得好食者應授與
和上和上看已應問汝何處得是好食若言
某甲姪女家寡婦家大童女家不能男家惡
名比丘尼邊惡名沙彌邊和上應語此非行
處不應取彼食若言爲說法故得應語不得
邪命取人食食時應授水洗手授食若是熱
時與冷水以扇扇之食已收鉢取草葉洗鉢
舉著常處和上若欲入林坐禪時應取尼師

檀耆肩上持澡盥隨後到已若受經問義得已應在一處修習若欲共他竝誦時白和上和上應問與誰共誦答言與某甲共誦和上觀前人持律儀緩者應語莫去此人不可與作徃反若持律儀好者應語誦還時應取尼師檀耆肩上持澡盥隨還和上欲禮塔時應與水洗手授華禮塔已與敷坐床與洗脚與油塗足欲眠時應拂拭牀褥安枕應與然燈內唾壺小行器和上安隱已然後受經問義分房當次得時先問和上然後取二人共得房者和上應問汝共誰得房舍答言共某甲應觀前人持戒緩者應語莫取生人過患若賢善

者語取後更有上座來出去時亦當白若共
行弟子於和上所應如是作若不作者越威
儀法若弟子衆多下至一拂床是名事
佛住舍衛城時難陀優波難陀受人依止不
教戒如天牛天羊一一如上和上中廣說但
以阿闍梨爲異耳

佛在舍衛城尔時難陀優波難陀受人依止
弟子不來師嫌言世尊獨制我不制弟子弟
子不來我當教誰如上共行弟子中廣說但此
中以依止弟子爲異耳

上座布薩事 第二一切然 上座食上法
第二一切法 和上所教示 共行應隨順

依止順法教

弟子應奉行

初跋渠竟

佛住舍衛城祇洹精舍如來五日一行諸比丘房見床處處側地風飄日曝雨露其上垂食烏鳥糞上佛知而故問比丘此是誰床處處側地烏鳥糞上乃至佛告諸比丘從今日床褥應如是知云何知不得見床處處側地垂瞰日曝雨露風飄烏鳥糞上而置若處處者應收檢著一處側者當正日曝風雨飄者應著房內垂瞰者當支脚烏鳥糞上當抖擻內著房中不得看房舍漏壞不治若草覆者當草補瓦覆還用瓦補石灰覆者還用石灰

補泥覆還泥補壁破者當泥治巨摩塗地衆
僧床褥不得趣介受用以單故布覆上應以
兩重尼師檀覆上若卧具眠時應以物廁裏
不得令近身褥氈氈厚者不得屈敷破壞僧
物褥枕拘執若垢膩者應浣破者應補已還
成若僧床褥卧具應如是舉持若不介者越

威儀法

佛住舍衛城祇洹精舍介時諸比丘春末月
不修治房舍如來五事利益故五日一行諸比
丘房何等五一者我聲聞弟子中不貪著有爲事
不二不著世俗言論不三不著睡眠不四爲看病比
丘故五有信心年少比丘見如來威儀詳序發

歡喜故是名五事行房見房舍破壞不治佛
知而故問比丘是何等房破壞不治諸比丘
荅言安居比丘自當治事佛言從今日後安
居時房舍應如是治云何治若安居時欲至
不得看房舍破壞不治而言安居人自當治
若草房者當草覆乃至泥房者應泥補壁孔
應泥治當塞鼠孔泥治地房中受用物應聚
著一處五法成就應拜分房人何等五不隨
愛不隨瞋不隨癡不隨怖不得知是名五
羯磨者應作是說大德僧聽某甲比丘五法
成就若僧時到僧拜某甲作分房人如是白
白一羯磨乃至僧忍默然故是事如是持是

比丘得羯磨已應條房温室食堂講堂浴室
井屋厠屋門屋經行處樹下疏記多少若阿
練若住處離餘住處遠者四月十二日十三
日應分房舍若不受者應餘處去若多近住
處者十四日十五日分房應僧中讀疏大德
僧聽某甲精舍有介所房介所床褥介許食
介許齋日飲食有介所安居衣上座應語分
房舍共一施應分房從上座乃至無歲比丘
不得與沙弥房若和上阿闍梨言但與我當
治事應與若房長者一人應與兩房若言我
不須二得一便足應語言不為受用故與為
治事故與若房少者二人三人共一房如是

復不受者五人六人共若復不受有大堂者
一切盡共入大堂若復不受者上座敷大床
下座敷小床若復不受者上座小床下座草
褥若復不受者上座草褥下座應跏趺坐若
復不受者上座跏趺坐下座應立若出樹下坐
冬時分房治事故與受用故與上座來喚起
便應去春時分房亦復如是夏時分房治事
故與受用故與上座來喚起去不應去若比丘
春末月應如是治房若不如是者越威儀法
佛住舍衛城祇洹精舍舍時世尊五事利益
故五日一行諸比丘房見房舍漏壞不治事
雨潦弥滿水瀆不通門戶虫瞰床褥塵青佛

知而故問比丘是何等房不治漏壞如是乃
至佛言從今日後夏安居中應如是治房舍
床褥去何如是治不得見房舍漏壞及以床
褥而不治事若草覆者應草補乃至泥覆者
泥補通水瀆及長流若卧床褥坐床壓生者
應日中曬令乾若房內濕者應令離壁支脚
勿使虫食應掃屋間灸煤虫網半月應以巨
摩塗地若干者應以水合塗地若濕者淳用
巨摩塗若房內濕者不得洗手洗足洗鉢不
得閉戶當時時開戶使風得入不得以烟薰
之若比丘夏安居房舍當如是治若不如是
越威儀法

佛住舍衛城。尔時比丘阿練若處安居。竟不
囑便去。後野火來燒房舍。諸比丘以是因緣
往白世尊。佛言：比丘安居。竟房舍應如是。治
云何。治若比丘在阿練若處安居。竟至冬。欲
移就暖處者。不得盡去。當求兩人三人。堪能
者。令住。應與飲食。勿令乏短。若言不能。我何
故住此空野中。為若都無住者。若有牀褥枕拘
執銅鐵器物。一切應寄聚落中。精舍卧床坐
床。當離壁。以物支足。勿令垂食。安居竟。不得
見房舍漏壞。不治事而去。若草覆者。應草補。
乃至泥覆者。泥補。泥治房舍。作白色。壁周。而
剷火。當囑託放牧人。汝時時與我看視聚落。

中住處亦應如是治事若温室講堂食堂白
汗灑治事若精舍檀越在者應語令治若差
人治若無主復不差人者一切僧應治當共
分人得一肘二肘三肘令周遍卧床坐床緩
壞者應更織令堅若牀褥枕拘執卧具臆應浣
令淨若破者應補房中受用諸物應聚著一
處若比丘安居竟房舍床褥應如是治若不
如是治越威儀法

佛住舍衛城介時世尊五事利益故五日一
行諸比丘房見卧床坐床處處狼藉側地佛
知而故問是何等床狼藉不舉荅言世尊是
舊比丘所安我是客佛言從今以後客比丘

應如是知去何知乃至不得見卧床坐床狼藉垂噉而置若狼藉者應收置一處若側者應正以物支足勿使垂噉客比丘來至不得便持物著屋中當放物一處覓舊比丘得房舍已若地不平者應平若有鼠孔者應塞泥治若有臭煤垂網應掃卧床坐床若緩者應織令急褥杪拘執應拊擻屋中應以水灑淨掃塗地若木衣架者當以物拭令淨若是竹滑者以手拭之應看壯堅者以鉾懸上若半夜住者亦應如是治竟去客比丘若不如是治越威儀法

佛住舍衛城祇洹精舍余時如來五事利益

故五日一行諸比丘房乃至言世尊是客比
丘敷置非我舊比丘佛言從今已後舊比丘
應如是知云何知舊比丘不得於床敷處處
棄捐令虫噉食而置若處處星散者應聚一
處若虫噉者當以物支足舊比丘法不得自
往好房好床褥枕留弊壞垢膩者待客比丘
來自當治當修治好者待客比丘舊比丘應
如是知若不如是越威儀法

佛住舍衛城祇洹精舍如來五事利益故五
日一行諸比丘房乃至佛見已知而故問比
丘是誰床敷荅言世尊是舊比丘敷我方始
住佛言從今已後敷床一切比丘應如是知

云何知一切比丘不得令床褥處處雨露日
多虫噉若見散在地者應聚著一處若雨露
日多者應安覆處若虫噉者當支足若房舍
漏壞者應覆草覆者草補乃至泥覆者泥補
壁穿壞者當補治泥地若床褥枕拘執垢膩
破壞者不得看置應浣染補治內毳當攤還
褻床繩緩者當織令堅緻打犍椎治床褥時
不得徐徐來應疾往集集已應當共治有應
作繩者有應織者當共作若分者各自持去
若如是打犍椎治床褥時不得言我是阿練
若我乞食我大德我是上座不能治此中受
用者自當治一切盡集共治有繩線者有縫

者有上色者比丘應如是一切治若不如是
越威儀法佛住舍衛城介時諸比丘處處大
便爲世人所嫌云何沙門釋子似如牛驢便
右無常處諸比丘以是因緣往白世尊佛言
從今已後應作廁屋廁屋不得在東在北應
在南在西開風道作法者若作坑若依高岸
若坑底有水出者當使淨人先起止中然後
比丘行若臨岸上底有流水者應安板令先
墮板上後墮水中應作兩孔三孔孔廣一肘
不舒手長一肘半屋中應安隔使兩不相見
邊安廁篋屋下應安衣架介時有比丘先在
廁上後有比丘急行入廁便欲在先比丘上

行彼比丘言長老莫汙我比丘以是因緣往
白世尊佛言從今已後上廁法應如是知去
何如是知不得臨急已然後上廁應當如覺
欲行便往往時不得默然入應彈指若內有
人亦應逆彈指若大急者應背躡先人應相
容處不得未至便高舉衣來當隨下隨蹇焉不
得著僧卧具上廁不得廁上嚼齒木覆頭覆
右肩應當偏袒不得在中誦經禪定不淨觀
及以睡眠令妨餘人起時不得高舉衣起去
應隨下隨起

復次今時諸比丘用竹作籌草傷破身諸比
丘以是因緣往白世尊佛言從今已後不聽

竹片篔片木札及骨應用滑物圓物不得用
已放廁中應土毗夜置一處若是深坑高岸
放中無罪大小行及涕唾當使正墮孔中不
得汙兩邊若前人汙者當以木篔除令淨不
得大小行已不用水而受用僧坐具床褥應
安水瓶若是坑者不得就中用水若臨岸者
得用當用木石瓦作瓶蓋年少比丘次第益
水時時當洗瓶若木蓋者不得日中曬勿令
破若是瓦石者得著日中曬廁邊應著灰土
巨摩若水器有垂者不得言此中有垂當持
草橫上令知有垂相不得多用水應裁量用
若瓶水盡者當語知水家使人益若自益下

至一澡盥水令得一人用若下部痔病不
得洗者當用軟物拭若布若樹葉若無廁屋
者應在房後若壁下便右不得並嚼楊枝及
覆頭覆肩應偏袒若夜患下者應以瓦器盛
棄之若無器者當在水瀆邊明當洗去若溫
室講堂中卒下者當出若大急不得去者當
在一處不得如牛隨行隨放曉當除却水洗
處持油塗之下至巨摩若繞塔時腹痛下者
應當去若大急者應在一處不得如牛汗脚
而去竟已當除去水洗香泥塗之若阿練若
處無香者當持油塗若欲入聚落當先便右
已而去入聚落中若大行者應往丈夫廁上

不得入女人廁若無者應問人求隨所安家
問時不得問年少婦女聞已當笑應問長宿
若復無者當入空舍入時不得在淺露處不
得深處使人謂呼是賊若復無者應在道邊
墻下若有伴者令背向障若共賈客行時大
便者應下道勿在上風薰人應在下風若宿
時欲便右者不得默然去當語賈客勿呼是
賊亦當在下風不得在上風若隨賈客船上
行時若大便者當到大行處應用木板著下
令先隨木上然後墮水若無木者乃至一廁
草承若無廁草當用瓦器盛以棄之若塔院
僧院內見不淨者應除去若二人共行見者

下坐應除若下坐持戒緩者當自除若被毒
醫言應服大便汁若自己許不須復受若他
許者當受若比丘在廁上應如是若不如是
越威儀法佛住舍衛城介時比丘處處小行
爲世人所嫌云何沙門釋子如牛驢處處小
行此壞敗人何道之有乃至佛言從今已後
應作小行處作法者不得在北在東應在南
在西開風道時有比丘小便復有比丘來於
上欲小便先比丘言長老莫汙我諸比丘以
是因緣往白世尊佛言從今已後小便法應
如是知云何知不得臨急然後去如覺欲行
當去應先彈指若先有人者亦逆彈指若急

者應背先人先人應客處不得覆頭覆右肩
並嚼齒木應偏袒右肩當上行不得在上禪
定睡眠誦經及不淨觀以妨後人竟當時去
若無小便處者應以甕盛當安穿底甕別一
甕中行以寫中若無甕者當用木杓寫中不
得大行涕唾中年少比丘次第棄之棄時當
著屏處不得棄塔院上流中寫已當水洗覆
地若無者應人人求器若是瓦者應洗已覆
地若木者洗已著陰中勿令破當施授夜當
內著床下若無器者水瀆邊小便不得在塔
上流若溫室講堂上欲小便時應出若急失
者不得行失小便當住一處訖然後以水洗

油塗乃至巨摩若繞塔欲小便者應去若急者不得並行應住一處訖以水洗之香塗若阿練若處無香者當用油塗若欲入聚落當先小便已而去若聚落中欲小便者當在屏處若急不得至屏處者當向墻若有伴應背向障若共賈客道行欲小便者當在下風不得上風若夜宿時小便者當在下風起時當語人令知勿令人呼是賊若舩行者當至小便處若無者當小便器中已寫棄比丘病醫言當服小便者不得取初後應取中若自己許承取即名受若在地及他許當受小便法應如是若不如是越威儀法

佛住舍衛城。爾時六群比丘嚼未斷治齒木。為世人所嫌。云何沙門釋子如凶惡人。含一條嚼齒木。諸比丘以是因緣。往白世尊。佛言。從今日後。不聽用齒木。復次佛住舍衛城。爾時世尊大會說法時。比丘口鼻在下風而住。佛知而故問。是何比丘獨在一處。如嫌恨人。比丘荅言。世尊制戒。不聽嚼齒木。口鼻恐熱。諸梵行人。故在下風。佛言。聽用齒木。應量用。極長者十六指。復次。爾時有檀越在阿練若。處種樹。比丘拔取作齒木。用主見已。心生不悅。即往佛所。以是因緣。而白世尊。佛為隨順說法。發歡喜心。已禮佛而退。佛言。呼是比丘。

來比丘來已佛問汝實尔不答言實尔佛言
汝云何取華菓樹作齒木從今已後不聽用
華菓樹作齒木嚼齒木時不得在温室講堂
食屋及僧前和上阿闍梨前塔前像前不得
覆頭覆肩應偏袒右肩在屏處若僧房內者
應以器承嚼殘餘不得著器中不得著塔院
中僧院中常行處刮舌時不得如姪欲人法
刮已當洗著一處若齒木難得者當截所嚼
處棄之洗已殘者明日更用復次尔時有比
丘嚼齒木欲盡見世尊來以恭敬故咽之細
木著咽喉不樂諸比丘以是因緣往白世尊
佛言從今已後不聽嚼盡極長者長十六指

極短者四指已上嚼時當在屏處先淨洗手
齒木嚼已水洗棄之用時不得如姪欲人當
以除口臭穢故嚼時不得咽若誤咽者無罪
比丘病若醫言嚼齒木咽之當差應受已嚼
咽若無齒木者當用灰魯土埽薑石草木洗
口已食若塔院僧院中見所嚼齒木當取棄
之若二人共見小者應棄若下座持戒緩者
當自取棄之齒木法應如是若不如是越威
儀法

床敷春末月

安居坐已竟

客比丘并舊

一切亦復然

廁屋大小便

齒木二跋渠

佛住舍衛城如來五事利益故五日一行諸

比丘房見比丘敷衣地補佛言從今日應作
席作法應用竹簟長十肘廣六肘欲縫衣時
應講堂上若温室禪房中敷席已張衣上縫
當洗脚坐上若不洗當背坐上勿令脚近不
得在上曬穀曬衣洗衣不得使日炙雨露鳥
獸汗上縫衣竟當內著覆處若無席者應在
床上作若復無者温室講堂上巨摩塗地縫
衣時應如是若不如是越威儀法

佛住舍衛城介時比丘坐禪還持冷脚熨他
彼比丘心驚不安諸比丘以是因緣往白世
尊佛言從今已後當作障隔作法者應用簟
竹若旃豎四角施簾繩繫坐禪還時開入中

還閉不得晝閉應舉夜當下障隔法應如是
若不如是越威儀法

佛住舍衛城尔時世尊五事利益故五日一
行諸比丘房見房舍漏壞不治佛知而故問
是何房舍漏壞乃尔從今日後房舍應如是
知云何如是知不得見房舍漏壞不治若草
覆者草補乃至泥覆者泥補應時時掃屋間
垂網塵埃地高下者應平治塞鼠穴泥治半
月當一巨摩塗地若地燥者當水和塗若濕
者溥用若是上屋地作紺青色者當以物裹
床足不得在中然燈經行及著革屣不得唾
地當用唾壺若是中屋者得洗足洗手面蕩

鉢下屋者得然燈經行洗足洗手面蕩鉢房
舍應如是若不如是越威儀法

佛住舍衛城今時世尊五日一行諸比丘房
見房舍講堂壁上涕唾淋落垂地佛知而故
問是何涕唾不淨乃今佛言從今已後涕唾
法應如是知云何如是知壁泥以不泥盡不
得唾若地不泥者當唾一處以脚摩之不得
處處汗若作地者應用唾壺唾壺底當安沙
若灰薑石當數棄之勿令臭穢生垂青水淨
洗覆乾不得在中嚼齒木若禪房中欲唾者
應唾革屣底拭地若地有覆者當用唾壺若
在食上欲唾者不得大赧著地使比丘

惡心應唾兩足中間以脚摩之若太多出不
止者當出外唾已還坐若和上阿闍梨前欲
唾者當至屏處若聚落中欲唾者應唾足邊
以脚摩之若是末土無罪若塔院中僧院中
見涕唾者應以足摩之若二人共見小者應
摩若小者持戒緩者當自摩比丘唾時應如
是若不如是越威儀法

佛住舍衛城爾時比丘舉鉢著向孔中旋風
來吹墮地即破聞食粥捷推聲欲取鉢正見一
聚碎瓦諸比丘以是因緣往白世尊佛言呼
是比丘來佛問比丘汝實爾不答言實爾佛
言從今日後鉢應如是知云何知不得舉著

向孔中岸邊危處不得著開戶扇處及行來
處不得用灰洗令脫色當用樹葉汁無沙巨
摩洗洗時不得在岸邊危處石上塼上不得
在多羅樹下迦毗陀樹下那梨樹下洗鉢應
踞坐若胡跪離地一磔手應先洗和上阿闍
梨鉢然後自洗不得持自鉢中殘水寫和上
阿闍梨鉢中當持和上阿闍梨鉢中殘水洗
已鉢乾時亦先收和上阿闍梨鉢盛時應先
盛和上阿闍梨鉢盛時當踞坐持鉢囊帶攢
臂著膝上盛之若著卧床上若坐床上鉢囊
當用兩重三重作欲懸鉢時當先搖銷橛堅
不然後安之若無懸處者當著床上若向中

有籠蔬遮者得安若有鉢龕者得安勿令相
擦鉢龕當作緣不得闇中取鉢不得不淨手
取應淨洗手若以葉捻取取鉢時一手捉兩
一手捉一不得捉四授鉢時不得卒放應問
言捉未若言捉已乃放不得持鉢盛不淨物
亦不得用盛水剃髮洗足手面浴室中用及
洗小便處用護鉢如護眼應當如是若不如
是越威儀法

佛住舍衛城尔時六群比丘皆毀粥若見薄
者作是言此非粥此是遙浮那河若見強者
便言此非粥是飯折人齒諸比丘以是因緣
往白世尊佛言呼是比丘來佛問比丘汝實

尔不荅言實尔佛言從今已後粥應如是知
云何知若聞打食粥犍推聲時當知此是二
部僧粥爲是一部僧爲是師徒眷屬知已應
去到已不得形相厚薄隨得應取不得越次
取取時不得覆頭覆肩者革屣應脫革屣偏
袒右肩取若行粥人去使者下至脫革屣根
若不及脫者待還時取若倩人取若坐者次
第取若薄者不得言太清如遙浮那河見月影
若強者不得言此是飯折人齒隨得應取粥
法應如是若不如是越威儀法

佛住王舍城迦蘭陀竹園尔時比丘在帝釋
石窟山邊坐禪時有比丘在前立住坐禪比

比丘不得定諸比丘以是因緣往白世尊佛
言呼是比丘來來已佛問言汝實不答言
實余佛言從今已後當如是住云何如是住
不得在坐禪比丘前立不得在僧中當前立
不得當徒衆坐前立不得當和上阿闍梨前
立及長老比丘前立不得著革屣叉腰覆頭
放兩手在邊若病者無罪不得在姪女前住
擣菹兒前沽酒家前屠兒前獄囚前殺人前
住不得在深遠處立住住法應如是若不如
是越威儀法

勞問到上 邛反 徜徉上步 忙反 狼狽下博 拈拈字弄

二 數音 蚊上音 蝠上音 文下 毗比 葉下尸 銛音 波音 味

同 下 音 積羅上居 比坐上音 數至上音 唾壺音下

胡 捲 疊上居 轉上反 澡 盥音上 貫音 早下 颯

疋 苗 日 曝下音 暴反 廁裏上初 毳音上

朱 衡反下 力 廁屋前上 同 潦反郎 到 塵青上莫

反 曬所賣 所 賣 所 灸下音 臺反 甚反 淺反 毳楚 歲反 擗

補 麥 反 還 襜下中 呂反 緻反 直利 繩 線下與 綖見

正 作 擘 迷 單 反 蹲音 蹇居 偃 爵反 約 坼岸 賈客

上 音 嬰正 一作 耕 甌 木 杓下 華反 時 刮 舌上 八反 俱 咽 之於上

見 咽 喉上音 煙 曾 土上 正 作 馨 穀下 二 同 旃 旃

之 然 反 塵 埃下音 衰下音 燥二 蘇老 反 紺 青上 古 淋

今 用 氈 塵 埃 衰 燥 二 同 紺 青 淋

眦上

大

郝

下

反許

手

上

知

客

反

反

撿

反奴

牒

椽

反

其月

向

中

戶

也

籠

反

蔬

二

字

正

櫛

疏

龕

音

樗

蒲

上

丑

深

邃

下

反

私

籠

情

七

淨

踈

窻

也

龕

音

樗

蒲

猪

反

深


邃

下

反

私

籠



踞

據

相

崇

下

直

反

反

磔

